



حركة التحرير الوطني الفلسطيني - فتح  
إقليم استراليا



## تمرّة رمضان

العدد رقم 27

### بليلة

مكونات هذا الطبق:  
حمص مسلوق + عصير ليمون  
+ بهارات + كمون + ملح.



### عين التسنيم

عين تجري من تحت العرش. و التسنيم عين تجري في الهواء بقدرة الله تعالى فتتصبّ في أواني أهل الجنة على قدر مائها فإذا امتلأت أمسك الماء. فلا تقع منه قطرة على الأرض ولا يحتاجون لاستسقاء. ذكرت في القرآن الكريم بقوله تعالى في الآية رقم (27-28) من سورة المطففين بسم الله الرحمن الرحيم (ومزاجه من تسنيم عين يشرب بها المقربون) صدق الله العظيم.

### شراب العنب

مكونات هذا الشراب : عنب أحمر أو أخضر + ماء بارد + ثلج + سكر أو عسل .





حركة التحرير الوطني الفلسطيني - فتح  
إقليم استراليا



حكاوي ستي

### طاقة السما

يا رب يا ستي تكبري وتصيري عروسة حلوة مزينة بشهادات الجامعة وتضلي راضية ربك وأبوكي وإمك وتمشي بالحارة والبنات يدعين لك تا ترضي وما بترضي إلا برضى الراضي وما برضى الراضي إلا تا ترضي وإيش برضيكي غير الجنة. والله يا تيتا دعوتك هذه حلوة بس يعني كل يوم بتدعيلي نفس الدعوة إنه حلو تغيير بس إنتي هيذ يا تيتا في دعوة لأخوي ووحدة لأمي وثلاث دعوات لإبوي كأنك مش حافظة غيرهن شو رايك أعلمك دعوات جديدة من كتاب المدرسة في دعاوي حلوات يعني إذا بتحبي وكمان أنت كل يوم بطلعوا دعوات، الناس هيذ بتحب تسمع حكي جديد آه كل يوم دعوة موديل شكل والله في دعاوي كمان نصها عربي ونصها إنجليزي بدك تطوري يا تيتا ههه.

آه يا ستي الله ينجينا من هالوقت ومن كل وقت بدي إياكي تعرفي إني بسمك دعاني بس أنا ما بحكي تا تسمعي أنا بحكي تا دعاني يصل ووين ووين تا يصل مشوار طويل وبعيد يمه يا حبيبتي، وربي قال سبحانه بعلاه أدعيني وأنا أستجيب وأدعي وضلك عيد وعيد بالدعاء حتى أستجيب، وفوق كل هاظا بدك باب السما يكون مفتوح وما بدري بفتحته إلا علام الغيوب، ولهيذ بضلني أدعي بلكي كانت طاقة السما فتحت ولحق دعاني يزرق مع دعاوي العالم كلها، ويا محلى الدعاء إللي بنقال لني بنحبهم وقدامهم وهم بدل ما يقعدوا يتباردوا مثلك يقولوا أمين تا يصير الدعاء باسم الاتنين، وإنتي بدك تدعي كل يوم دعاء جديد وأنا دعاني زي ما هو ولو تعرفي قديش ضللت أفكر بالكلمات والحروف تا قلت هيذ صار أزبط شي وإنه حلو الدعاء يكون محفوظ كرجة مية مش حلو الوحدة تقعد تتحزر وهي تدعي وهياتك يا ستي صرتي شاطرة بتعرفي دعاوي كثير بس ربي بده كلامك من القلوب مش حروف مصطفة ربي بده تضلي تحمدي وتشكري وتدعي وتعيدي دعائك تا يفوت صوتك من طاقة السما وربي يستجيب لدعائك وساعتها بتطلي وبتتمنى وفوق إللي طلبتبه ربي بزيدك ربي كريم وما رح يخلي بنفسك شي إذا حكيتي من قلبك.



ممکن طلب 😊؟

- روحوا للمطبخ!

طلعوا الفنجان إللي بعلبة السكر

وخلوه يعيش مع اخواته باقي

الحياة! 🌟





حركة التحرير الوطني الفلسطيني - فتح  
إقليم استراليا



خرافية

### مضرب الرمان

كان يا مكان في زمان حقد الفتان يوم ما كان الأخ بدو يذبح أخو مشين يرضي فلان وعلان، زمن مع مين بذك تُصفت وتوخذه حبيب ولأجله تحارب الدنيا على الصبح والغلط بذك تَصَلَّ معه وما اسمك إلا كلب بتعوي وقت ما يأمره صاحبه. كانت القرية إيد وحده لحد ما مات الشيخ فتحي وإيش حكى الدنيا عن الشيخ فتحي وقديش كان يحب الناس وما يخلي حدا يبات زعلان منه، مات الشيخ فتحي وترك عشرة أولاد كل واحد منهم عنده عشر أولاد وفوق كل هاظا نسايب وحبابب قاعدين كلهم بأرضه لا حدا دفع حقها ولا حد إنسال قديش بتطلع بس الشيخ فتحي مات وصار كل واحد بده يعرف وين حقه وهات القاضي يحكم من غير ورق وكوشان ما بنفع تحكي والله الشيخ أعطاني هاي الأرض ولا بنفع تحكي هياتني عايش فيها من زمان ليش هسيعات إفطنتوا بدمك توزعوا وتحصوا.

عايد ابنه لفتحي ما بده يعطوا البنات ومفيد أخو بده يطرد النسايب والحبابب وأخوهم سامي مش راضي إلا قسمة قاضي وشرع الرحمن وغير هيذ وهيذ سيوف انرفعت ونار وولعت ونقتل فتحي الزغير ابن عايد وهات أعرف مين قتله ومنين بدها تيجي ديتة وإمه اتهمت إعمامه وستة اتهمت نسايبه بس هات جيب الدليل وهات إشفى قلب الغليل وبعد يومين انقتل ثلاثة من ولاد عمه ونقسمت البلد وبطل حدا عارف يضرب مين والا يوقف مع مين والقاضي هج وقال فتنة ورح تحرق الأخضر واليابس وإيش ما حكمت بكون ظلمت ورح يذبحوني إللي ما عجبهم حكمي.

ثلاث سنوات والدم بالقرية سايل ونقطع الحكي وصارت القرية بلدين بلد عايد وبلد سامي أما باقي أولاد الشيخ فتحي نقتلوا وكمان ناس كثير انذبحوا لحد ما اتفقوا بحد السيف هاظا حدي وهاظا حدك والكل يقول هذه قسمة مجبورة وإللي مش راضي يرفع سيفه ويعلي باب بيته. بس هاظا كله مش عاجب الحجة الختيارة مرت الشيخ فتحي وكانت تحكي وتقول عن عمل مسحور وعين حاسدة وكل إللي بصير قلة عقل وحسرة بقلوب عمرها ما عرفت الحقد. وضلت تبعش عن العمل المسحور إن كان رصد مدفون وإلا علامة بخزانة أو حجة بصدر حمار وإلا ما خلّت وإلا تعتب عليها، راحت مشايخ الطرق وعلى النور والدروز ومن هاظا تجرب هاي البخور ومن هذيك تحويجة بهار تحطها بأكل لعابيد وسامي بس هات كل هالحكي ينفع.

ومرة من المرات إجتها يمامة زرقة وقالت إلهيا: رمانك طاب يا حجة ونفسي أذوق منه حبة بس لا إلي إنسان ماضيات ولا منقار قوي بالله عليكى تطعميني حبة وإلك مني أمنية مرفوعة لسما، قامت الحجة فصفصت رمانه كاملة وحططتها بصحن وقالت إلهيا: كلي وإطعمي كل رفاقك وإدعي الله يحبب عايد بسامي وسامي يحبه لعابيد. أكلت اليمامة تا شبعت وطارت وبعد شوي إجت مع رفاقها وصارن يوكل ويوكل وزاد عددهم والحجة قامت فصفصت كمان حبة وقالت كله وإدعوا الله يرضى عن إللي يوكل ويشكر. طار اليمام وقعد يرفرف فوق الرمانة وصار يطير ويضرب بورق الرمان ومنه تطلع غبرة وريحة عفن وهاظا اليمام انجن وما خلى ورقة رمان ما ضربها والحجة تتفرج عليهم مش عارفة تنهر عليهم وإلا تفصفص كمان رمان، إجت اليمامة الأولى وقالت للحجة مرة قوية شرانية عملت عمل تا يذبح أولاد بعضهم بعض والعمل ما بنفك إلا إذا ضربنا ورق الرمان لأنه السحر مخبي جواته، وهلقيت روجي على بيتك بتلاقي ولادك الاثنين قاعدين طعمي كل واحد حبة رمان بترجع المحبة بينهم.





صدر حديثا

## الأعمال الشعرية الكاملة

- المؤلف : الشاعر مريد البرغوثي.
- صادر عن دار الشروق للنشر .



## فراشات فلسطين

الاسم العلمي

**Lolus Glaucus**

لولاس جاوكسن

